

Broj: 22-06-14-294-29/18

Datum: 03.07.2018. godine

Na osnovu člana 70. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), a vezano za član 64. stav 1. tačka a) i član 70. Zakona o javnim nabavkama („Službeni glasnik BiH“, broj: 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), na Preporuku Komisije za nabavku, broj: 22-06-14-294-28/18 od 03.07.2018. godine, u postupku javne nabavke roba: „Sukcesivna nabavka i isporuka autodijelova: Lot 2 – Sukcesivna nabavka i isporuka autodijelova za teretna vozila i radne mašine“, direktor Kantonalne uprave civilne zaštite Kantona Sarajevo, *donosi*

### **ODLUKU**

**o poništenju Odluke o izboru drugorangiranog ponuđača za nabavku roba i potvrđivanju Odluke o izboru najpovoljnijeg ponuđača za nabavku roba u postupku javne nabavke za Lot 2. – „Sukcesivna nabavka i isporuka autodijelova za teretna vozila i radne mašine“**

#### **Član 1.**

Poništava se Odluka o izboru drugorangiranog ponuđača za nabavku roba u postupku javne nabavke za Lot 2. – „Sukcesivna nabavka i isporuka autodijelova za teretna vozila i radne mašine“, broj: 22-06-14-294-19/18 od 16.05.2018. godine, kojom bi se ugovor dodijelio ponuđaču „LAND“ d.o.o. Sarajevo i potvrđuje se Odluka o izboru najpovoljnijeg ponuđača, broj: 22-06-14-294-16/18 od 18.04.2018. godine u predmetnom postupku javne nabavke, te se ugovor dodjeljuje ponuđaču „SINHRON“ d.o.o. Sarajevo.

#### **Član 2.**

Ova odluka objavit će se na internet stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)), istovremeno sa upućivanjem ponuđačima koji su učestvovali u postupku javne nabavke.

#### **Član 3.**

Za realizaciju ove odluke zadužuju se Kantonalna uprava civilne zaštite Kantona Sarajevo i Ministarstvo finansija, koje će da izvrši prenos sredstava po naredbi Kantonalne uprave civilne zaštite Kantona Sarajevo, u skladu sa Budžetom Kantona Sarajevo.

#### **Član 4.**

Ova odluka stupa na snagu danom donošenja.

### **O b r a z l o ž e n j e**

Komisija za javne nabavke u predmetnom postupku je naknadno uočila da se desio previd, odnosno da prvorangirani ponuđač nije propustio dostaviti potvrdu poreskih organa da



ponuđač u predviđenoj dinamici izmiruje svoje reprogramirane obaveze po osnovu poreza i doprinosa i indirektnih poreza prema dostavljenom sporazumu sa nadležnim poreskim institucijama. Naime, u naknadno dostavljenim dokumentima od dana 26.04.2018. godine, ponuđač „Sinhron“ d.o.o. Sarajevo dostavio je, između ostalog, Uvjerenje Porezne uprave Federacije BiH, Kantonalni porezni ured Sarajevo, Porezna ispostava Novi Grad, broj: 13-9/4-15-4-1767/18 od dana 04.04.2018. godine, u kojem je navedeno da porezni obveznik ima duga po osnovu javnih prihoda. U nastavku teksta Uvjerenja, navedeno je da je u skladu sa članom 57. Zakona o Poreznoj upravi Federacije BiH, porezni obveznik zaključio Sporazum o plaćanju u ratama/Sporazum o odgođenom plaćanju duga, broj: 13-9/4-15-4-1767/18 od 30.10.2015. godine, te da porezni obveznik u predviđenoj dinamici izmiruje svoje reprogramirane obaveze.

Shodno navedenom, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.


Žalba se izjavljuje Uredu/Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Ul. Hamida Dizdara br. 1, 71000 Sarajevo.

Žalba se podnosi u najmanje 3 (tri) primjerka.

**Dostavljeno:**

- Svim ponuđačima,
- [www.kucz.ks.gov.ba](http://www.kucz.ks.gov.ba),
- a/a



**DIREKTOR**  
*Samir Džihic*



E-mail: [kucz@kucz.ks.gov.ba](mailto:kucz@kucz.ks.gov.ba) ; [www.ks.gov.ba](http://www.ks.gov.ba)  
Tel.: + 387 33/201-595 ; + 387 33/443-720; fax:033/560-453  
71000 Sarajevo, Hamida Dizdara 1